

پنجشنبه - ۱ کانون ثانی ۱۳۲۴

محرطام

MOUHIT
Illustration Hebdomadaire

مؤسسی: فائق صبری، عبیداه احمد

مدیر و سر تحریر:

فائق صبری

اداره خانه سی:

یکی پوتمخانه آرقه سنده اسکی ضابطیه سوقاعده
۲ نومرو لی دائرة مخصوصه در:

شرائط اشترا:

درسماعنده سنه لکی ۱۰۸، آتی آلی
۵۴ غروشد

آبونه بدلی بروجہ پیشین استیفا اولتور

نسخه سی: ۲ غروش

معاونین تحریر سی:

ملکتیزک وجوڈرلیہ افکار ایندی مشاہیر
محرریندن مرکبدن

شرائط اشترا:

ولایده سنه لکی ۱۲۰، آتی آلی ۶۰
غروشد. ممالک اجنبیه ایچون سنه لک ۲۶،
آتی آلی ۱۴ فرائق در.

Directeur et rédacteur en chef:

FAIK SABRI BEY

Bureaux: Rue Eski Zaptié, près
la nouvelle poste No. 2
CONSTANTINOPLE

Prix: 2 Piastres

نومرو: ۱۰ هر هفته پنجشنبه کونلری نشر اولتور سیاسی، ادبی، علمی، فلسفی رسمی غزته در جلد: ۱



ایتالیاده آفت

۱۴ کانون اول تاریخنده مدھش بر حرکت ارض ایله تمامیه نحو اولان [مسینا] شهری مناظرندن:

(ویشور امانوئل) ریختیمی و (نیتون) هیکل

Messine, maintenant détruite par le tremblement de terre du 28 décembre

زمان حاضر حربلرنده شمندوفرلک خدمتی

— مابعد —

برابر حال حضریده لایققله تدقیقاند بولنوب جال سفرینک بدایتده ایفا ایدیلجک وظایقک تعیین و تثبیت ایچون خصوصی تشکیلات عسکره وجوده کتیردیلر. المانیاده ارکان حربیه عمومیه مک و بالخاصه ۱۸۷۰ سنه سنده شمندوفر شعبه ریسی اولان «بیکشی» فون براندن شتاین» لک نموده و مساعیسی سایه سنده شمندوفرلرکی واسطه حربیه اوله رق یالکزر اردونک امر و ارادتنه تابع اولمش و بالجله شیکات حدیدیه عسکرلک نقطه نظرندن اداره و استعمال ایدلک اوزره اساسی بر ترتیب وجودپذیر اولدی.

۲ — بر حکومتک شیکات حدیدیه سی حال سفر برینک دوره ثانیه سنده یعنی اردولرک حدود وطنه طوغری و یوریشلری ایشانسنده دها بیولک بر اهمیت احراز ایدر. چونکه بو دوره حرب تربیتی قوته ابلاغ ایدلش اولان قطعات عسکریه یی تکمیل ملکنندن سرحدله سوق و نقل ایتمک مقتضی اولمقددر. بوکا عادتاً ملتلرک حدوده طوغری زمان حاضره موافق بر مهاجرتلری نای اعطا اولته بیلیر. ۱۸۶۶ سنه سی طقوز و ۱۸۷۰ ده اون اوج المانیای قول اردوسی شمندوفرله حدوده - وق ایدلدی. بوکون المانیانک وقت حضریده یکریمی اوج قول اردوسی بولمقددر. ۱۹۰۸ تاریخی سفریه نظامنامه سنه کوره حرب تربیتی بر قول اردونک قوتی وسطی اوله رق ۴۱۰۰ نفر و ۱۴۰۰۰ بارکیدن عبارتدر. بو عددلردن یالکزر المان اردوسنک بر میلیون نفر و یارم میلیون بارکیدن مرکب بولنه چی ظاهر اولورکه بونده نقشکلات جدیده نه ده سواری فرقه - لری حسابا ادخال ایدلامشدر.

عین احوال و مناسبات فرانسه حقنده ده جاریدر. اوده اقلی سکر سواری فرقه سی ایله یکریمی بر قول اردو حربیه سوق ایده بیلیر. بویه دهشتی کتلات بشریه مک عین زمانده شمندوفرلر ایله سوق اولندیفته دائیریکی تاریخ

حربلرنده بر مثال موجود. دکلدیر. اورویا ملتلی آره سنده واقع اوله جق بر حرب مستقبل هان هر زمان بر ملت حربی کبی تلقی اولته بیه جکی بر ملتک تکمیل قوتی احتوا ایلیمه جکی حالد روسیه ایله ژاپونیا سفرنده روسیه قوای حربیه سنک یالکزر بر قسمی حربیه اشتراک ایدلی. زیرا تقلبات، موجود اولان یالکزر تک بر خط یعنی سیریا شمندوفرلی ایله وقوع بولدی. تکمیل مانجوری اردوسی یالکزر بر خط ایله نقل ایتمک مجبوریتنده کی مشکلات اول قدر بیولک ایدی که بوکا، حرکات حربیه یه مباشرتدن اول، حدوده طوغری حقیقی براردو یوروشی اطلاق جائز اوله ماز. حرکات حربیه جوقدن باشلامش و حتی قسماً حربک دوره اخیره سنه کلتمش اولدی حالد سیریا خطی اوزرنده هنوز مختلف قول اردو - لرک تقلباتی دوام ایتمکده ایدی.

ژاپونیا ده شمندوفرلرک وظیفه سی نقلیه دوختاسی درعه ده ایتمش ایدی. بناءً علیه ۱۸۷۰ - ۷۱ سفرنده المانلرک شمندوفرلرله نقلیاتی یعنی اردونک سرحدده طوغری تجمع یوروشی یکانه بر نمونه تشکیل ایدر؛ یالکزر شو فرق ایله که شمدی نقل ایدیلجک کتله لرک مقداری ایکی و حتی اوج منی تقدیر ایتمک لازم کلیر.

بناءً علیه شمندوفرلردن صولک درجه استفاده ایتمکسزین بر اورویا حرب مستقبلی تصور ایتمک ممکن اوله ماز. بو جهته شیکات حدیدیه وطنک وقت مصالحه ده انشا واکلی حرب ایچون بر قاعده معینه تشکیل ایلر. حدوده منتهی اولان متعدد و مساعد، یکدیگرندن مستقل و ممکن اولدینی قدر چفت (ویا دها زیاده) خطی شمندوفرلرک وجودی الزمدر. واغونلر و لوقوموتیفلردن متشکل متعدد پارقلر و الحاصلاتی تربیه و تعلیم ایدلش مأمورین و اشخاص موجود بولنق اقتضا ایدر که انی شیکات حدیدیه دن عملی بر صورتده بحق استفاده ایتمک ممکن اولسون.

بر حکومتک شیکات حدیدیه سی بوجه بالا بیان اولنان نقطه نظرلردن نه قدر زیاده حاضر فعالیت بولنوزسه بر اردونک وطن - سر - حدلرنده تجمعی ایچون صرف اولنه جق مدت

زمان دخی اونسنده تقصیر ایدلش اولور. حدودده سرعت جمع و تحشد، سرعت و شدتله حربیه مباشرتی انتاج ایدر. هنوز تمامیه حاضر لانه ملش اولان خصمه بو سایه ده ایلمک و قطعی موفقیتک شرطی قبول ایدر بیه بیلیر. المانلرک ۱۸۷۰ - ۷۱ سفرنده کی اصول حرباتی بوخصوصه نمونه امثال تشکیل ایدر. بوکونکی کونده غربی اورویا دول معظمه سنک سرحدده طوغری مشی و تجمعده نظر اعتباره آلدقلری تقدم کیفیتی آرق کونلردن دکل بالعکس ساعتلردن عبارت بولمقددر. ملل معظمه، بر حرب مستقبله، دهشتی قوت صرفده کی مجبوریتلرندن ناشی - بار عظیم حرب آلتنده مضحل اولق ایسته مز - لرسه - مصادمه قطعی مک سرعت اجرایی مطلق الوجوب اولور.

شیکات حدیدیه وطن زمانزده بر سردارک تکمیل حرکات حربیه سی پلانی اوزرنه بسبتون یکی و غریب بر تأمین اجرا ایلر. معلومدر که مختلف اردولرک حدودده تجمعی ایلمک حرکات حربیه مک اساسی یعنی اردونک دشمن ملکنته تجاوزی تشکیل ایلر.

۱۸۶۶ ده المانلرک شمندوفرله اولان مشی و تجمعملری اردولرک یاا اوله رق سرحدده طوغری یوروشلری تعقیب ایدلی، حتی قسماً اساس خط اوزرنده کی حرکتلری تدریجاً تجمع یوروشلریه قلب ایدیلیر.

۱۸۷۰ - ۷۱ سفرنده ایسه کذا شمندوفرله تجمع یوروشلردن صکره اردولر اولایول ورویشلری و تبدیل استقامتلر اجرایی ایله باش قوماندان طرفدن حرکات حربیه اجرایی متصور اولان جهتلره سوق ایدیلیر.

کتله لرک بیومسی، بر حرب مستقبله، لک مساعد حرکات حربیه استقامته مواصلت ایچون، اوائله اولدینی قدر، بویه تبدیل استقامتلر اجراسنه مساعده و برمز.

جیم اردولر یالکزر حدوده منتهی اولان شیکات حدیدیه واسطه سیله تحریک و نقل ایدیله بیلیر. حدود بوچه تکمیل خط قطعات عسکریه ایله مستور بولنور. شمندوفرلر ایله نقل ایدلکدن صکره همان حرکات حربیه

اجرا شده مباشرتاً ایتمک لازم کایم. حرکات
حربی ایچون دها مساعد بر تجمع یوروشی
اجراسی ضمنده اردولرک مهمجه بر تبدیل
استقامت ایلملری آرتق قابل اوله ماز.

بناءً علیه زمان حاضر سردارینک تدابیر
حربیه سنده کی سربستی شیکت حدیده ایله
تحدید ایلمکده و تعیر آخرله آکا تابع
بولقده در. بوند طولانی تجمع یوروشلرند
souplesse دنیلان ایلوب بوکوله خاصه سی
زائل اولور؛ اگر جنباً تبدیل استقامته مساعده
ایده جک صورتده حدود اوزرندن متوازیاً
حرکت ایدن خطوط حدیده شعباتی موجود
اولیجق بولنورسه شمدوفر ایله نقلیات
اثناسنده مهمجه تبدیلات اجراسی آرتق
مشکلاتی داعی اولور. یالکیز همجوار اولان
حکومتک دخی عین احوالده بولنسی اغلب
احتمال اولدینی جهته تولد ایده جک محذور
هر ایکی طرف حقتده جاری اوله جفندن
تعادل و توازن حاصل اولش اولور. فقط
وقت مصالحده همجوار اولان حکومتک
شمدوفرلری حقتده اجرا ایده جک تدقیقات
عمیقه سایه سنده آنک طرفندن متصور و مصمم
اولان تجمع یوروشلرینک هانکی نقطه لره
توجه ایده جکنی دها زمان حضرده کشف
ایتمک ممکن اوله جفندن بوسایده کندی سوق
الحیش یوروشلرینک آنک زیاده هانکی استقامته
توجه ایلمک لازم کله جکی تقصیر و تخمین
اوله بیلیر.

۳ — بناءً علیه حقیقی سفر برلک ایله آتی
تعقیب ایدن تجمع یوروشلری شمدوفرلره ،
هنوز تاریخ حربه امثالی غیر واقع برصورتده ،
غایت واسع و عظیم مظلومات تحمیل ایده جک
اولورسه حقیقی حرب اثناسنده ، شمدوفرلرک
حل و تسویه ایده جک دها بپوک وظیفه لری
حائز بولنه جتی ظاهر اولور. بردشمن مملکتک
منابع معاونه سندن واسع بر صورتده استفاده
ایتمک دخی میلیون اردولری اعاشیه کفایت
ایده م. اگر تجاوز ایتمکده بولنان بر اردو
کندیسنی مادر طبیعی معیشت اولان وطن
اراضیسی ایله برلشدرمک اوزره آرقه سنده
حائز فعالیت هیچ اولمازه بر شمدوفر خطی
موجود بولنه جق اولورسه یاشایم. بالجه

وسائط مناقلات جدیده — بارکیرلره جر
ایدیلان آرابلردن بدأ ایله یول اوتوموبیلی ،
بخار ویا الکتریک ایله متحرک یول قطارلری ،
سیر سفائن یوللرندن علی المعجله وضع و ترتیب
ایدیلان حرب دمیر یوللری — واقعا اصل
شمدوفر خطرینک ایشلری تخفیف ایدرلر.
سده هیچ بر وقت آنک رینه قائم اوله مازلر.
کوچک بر مقیاسده اوله رق بونجریه یی جنوبی
آفریقا حربی تأیید و تصدیق ایدی .

بوکا بناءً حرب اثناسنده شمدوفرلرک
اک مهم فعالیتی اردویه کافی درجه ده وسائط
معیشت نقل ایتمکدن عبارتدر. بیوک فرددرقک
« طریق مظفریت عسکرک معدنه سندن نجر »
سوزی حالا زمانزده قابل تطبیقدر . برقول
اردو افراد ایچون یومی ۵۰۰۰۰ کیلو لوازم
غذاییه و بارکیرلر ایچون ۹۰۰۰۰ کیلو یولافه
محتاجدر. برقول اردونک احتیاجات یومیسی
یکونسه نظراً قوای موجوده سی میلیون بالغ
اولان براردونک احتیاجاتی حساب ایده جک
اولورسه تهون اعاشه ایچون نه درجه کیملی
ما کولات تدارکی اقتضا ایده جکی ظاهر اولور.
جیخانه تلاقیسی دخی ما کولات تدارکی
لزومی قدر مبهم و قطعیدر؛ بو خصوص دخی
آنجق شمدوفرلر واسطه سیله تأمین ایده جک
بیلیر. هر محاربه ، هر میدان محاربه سی تلف
وضایع اولان افراد و حیواناتک ، لوازم
اکتسائی و تجهیزاتک ، صرف واستعمال ایدیلان
مالزمه هییه نک تلاقیسی طلب ایلر. برطرفندن
اردونک غایت عظیم اولان مظلوماتی بویله جه
نقل اولدینی حالده دیگر طرفندن کندی
حرکتک مانع اوله بیله جک شیلر دخی کریه
سوق ایلمک لازم کایم: خسته لر ، مجروحلر
اسرای حرب ، اموال غنیمت و بونلره مماثل
شیلر. هله برچوق مأمورین عسکرینک یعنی
لوازم مامورلرینک متبادی بو نقل و سوق ایله
اردولری مجادله یه حاضر بولندرمق و سر-
داری اردونک تأمین معیشتی اندیشه سندن
قورتارمق کبی غایت آغر و داعی مسئولیت
وظیفه لری واردر. هان یوز سنه مقدم بیوک
نابولیونک موسقوه سفری ، سورت مکملده
احضار ایلمکله برابر ، روسیه اراضیسنده
لوازم معیشت تدارکنک قابل اوله ماسندن
ناشی هزمت ایله ختام بولدی .

۴ — حکومت متعده شیکت حدیده سی
ایلمکرینک طار اولسی فعال و شدید بر سر-
دارک. شمدوفرلری طوغریدن طوغریه
کندی حرکات حربیه سنک اجراسنه خادم
قیله یلمسی تأمین و تسهیل ایدر. ۱۸۷۰-۷۱
سفرنده فرانسرک کندی شیکت حدیده سی
بوریاکی اردوسنک جنوب شرقی دارالحربی
اوزرینه نقلی ایچون استعمال ایلدیلر.

اوروپا دول معظمه سی طرفندن اجرا
ایدیله جک برحرب غایت واسع جههلری استیلا
ایده جکندن بردارالحرب اوزرنده بولنان بعض
قطعات عسکرینک بویله ناکهانی بر صورتده
دیگر دارالحرب اوزرینه سوق و نقل ایلملری
کبی حالات کثرله واقع اوله بیلیر. ساحلارک
و بیوک یوغاز و نه رلرک مدافعه سی ، رجعتلر ،
خطوط داخله اوزرنده اجرا ایدیه جک کافه
حرکات حربیه خطوط حدیده نک معاوضی
سایه سنده قابل اجرا درلر.

عین زمانده فرانسه و روسیه قارشی
حرب اجراسی حالنده المانیانک شیکت
حدیده سی — بردارالحرب اوزرندن دیگری
اوزرینه عسکر سوق و نقلی اقتضا ایده جکی
آنده — پک زیاده اهمیت اکتساب ایلر .

هر نه قدر آنک یکی اجرا ایدیلان
حربلره شمدوفرلرک اداره حرب ایچون
نه قدر اهمیت عظیمه یی حائز اولدیلری نظر
دقی جالب اوله جق صورتده قظاهر ایتمدی
ایسه ده بونک سبب اصلیدی ۱۸۷۱ سنه سندن
روسیه ژاپونیا سقرینه قدروقوع بولان حربلرک
کافه سی — مثلاً المانیایله فرانسه آره سنده
ظهور ایده جک بر حرب مستقبده اغلب
احتمال اوله رق واقع اوله جتی اوزره —
یکدیگری قارشوسه میلیون اردولری سوق
ایلمش ملت حربی طرز و شکلی آلامش
اولسیدر. بوند طولانی برانی شیکت
حدیده نک قیمت و اهمیت حقتده بر واحد
قیاسی یالکیز مطالعات نظریه ایله اکتساب
اوله بیلیر. بو سطرلردن مقصد ، اداره حرب
ایچون خطوط حدیده نک ، واسطه جدیده
اوله رق ، اهمیت عظماسنی ، اهمیت قطعیه سی
بیان ایلمکدن عبارتدر .

جهانگیر ، ۱ کانون اول ۱۳۲۴

المانجه دن

محمد رشدی